



საგანმანათლებლო პროგრამების აკრედიტაციის
საბჭოს გადაწყვეტილება
ქ. თბილისი



MES 7 24 0000033767



16/01/2024

სსიპ - აკაკი წერეთლის სახელმწიფო უნივერსიტეტის "მათემატიკის" სადოქტორო საგანმანათლებლო პროგრამის აკრედიტაციის შესახებ

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულების“ 27² მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵ მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ, თუ „უმაღლესი განათლების შესახებ“ საქართველოს კანონის 66-ე მუხლის, „განათლების ხარისხის განვითარების შესახებ“ საქართველოს კანონის 22-ე მუხლისა და აკრედიტაციის დებულების 27⁶ მუხლის პირველი პუნქტის „ა“ ქვეპუნქტის შესაბამისად, საგანმანათლებლო პროგრამის პირველი და ყოველი მომდევნო აკრედიტაციის შემთხვევაში, საგანმანათლებლო პროგრამა აკრედიტაციის სტანდარტებთან შესაბამისობის შეფასებისას, ყველა სტანდარტთან მიმართებით საბჭოს მიერ შეფასდა, როგორც „შესაბამისობაშია სტანდარტის მოთხოვნებთან“.

1.3. „აკრედიტაციის დებულების“ 27⁵-ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მაძიებელს მისცეს რეკომენდაციები.

1.4. „აკრედიტაციის დებულების“ 27⁶-ე მუხლის პირველი პუნქტის „ბ¹“ ქვეპუნქტის თანახმად, ერთ სტანდარტთან მიმართებით მაინც შეფასდა, როგორც „მეტწილად შესაბამისობაშია სტანდარტის მოთხოვნებთან“ და არცერთ სტანდარტთან მიმართებით არ შეფასდება, როგორც „ნაწილობრივ შესაბამისობაშია სტანდარტის მოთხოვნებთან“ ან, არ არის შესაბამისობაში სტანდარტის მოთხოვნებთან“, საბჭო იღებს გადაწყვეტილებას აკრედიტაციის შესახებ და დაწესებულებას განუსაზღვრავს ვადას მიღებული რეკომენდაციების შესრულების თაობაზე ანგარიშის წარსადგენად, რაც აისახება საბჭოს სხდომის ოქმში.

2. აღწერილობითი ნაწილი და დასაბუთება

2.1. სსიპ - განათლების ხარისხის განვითარების ეროვნულ ცენტრში (შემდგომში - ცენტრი) 2023 წლის 14 აგვისტოს №991146 წერილით სსიპ - აკაკი წერეთლის სახელმწიფო უნივერსიტეტმა წარმოადგინა „მათემატიკის“ სადოქტორო საგანმანათლებლო პროგრამის სააკრედიტაციო განაცხადი.

2.2. ცენტრის 2023 წლის 01 სექტემბრის № 1065121 ბრძანების საფუძველზე, სსიპ - აკაკი წერეთლის სახელმწიფო უნივერსიტეტის ცნობილ იქნა აკრედიტაციის მაძიებლად. ცენტრის 2023 წლის 05 ოქტომბრის №1313018 ბრძანების საფუძველზე შეიქმნა ექსპერტთა ჯგუფი, რომელმაც დაწესებულებაში ვიზიტი „მათემატიკის“ სადოქტორო საგანმანათლებლო პროგრამის შეფასების მიზნით განახორციელა 2023 წლის 31 ოქტომბერს. ექსპერტთა ჯგუფის მიერ წარმოდგენილი დასკვნის შესაბამისად, სააკრედიტაციოდ წარმოდგენილი პროგრამა შეფასდა შემდეგნაირად:

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არ არის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა		x		
2. სწავლების მეთოდოლოგია და ორგანიზება, პროგრამის ათვისების შედეგების ადეკვატურობა		x		
3. სტუდენტთა მიღწევები, მათთან ინდივიდუალური მუშაობა	x			
4. სწავლების რესურსებით უზრუნველყოფა	x			
5. სწავლების ხარისხის განვითარების შესაძლებლობები	x			

2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

2.4. ზეპირი მოსმენა გაიმართა 2023 წლის 26 დეკემბერს. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის, ასევე, სხდომაზე დაინტერესებული მხარის ზეპირი პოზიციის მოსმენის საფუძველზე, საბჭომ სრულად გაიზიარა ექსპერტთა დასკვნაში დაფიქსირებული შეფასება,

3. სარეზოლუციო ნაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტისა, მე-3 და მე-4 პუნქტების, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-8 პუნქტების, აკრედიტაციის დებულების 27² მუხლის პირველი პუნქტის, 27⁵ მუხლის პირველი პუნქტის „ა“ ქვეპუნქტისა და მე-5 პუნქტის, 27⁶ მუხლის პირველი პუნქტის „ბ¹“ ქვეპუნქტის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ განათლების ხარისხის განვითარების ეროვნული ცენტრის დირექტორის 2011 წლის 01 ივნისის №223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ 18 ხმით არცერთის წინააღმდეგ

გადაწყვიტა:

1. დაკმაყოფილდეს სსიპ - აკაკი წერეთლის სახელმწიფო უნივერსიტეტის მიერ წარმოდგენილი სააკრედიტაციო განაცხადი და დანართი №1-ით გათვალისწინებულ „მათემატიკის“ სადოქტორო საგანმანათლებლო პროგრამას მიენიჭოს აკრედიტაცია კლასტერის ვადით, 2027 წლის 01 ივლისამდე, 2 წელიწადში მონიტორინგის განხორციელების პირობით.
2. ცნობილ იქნას აკრედიტაციის ექსპერტთა ჯგუფის დასკვნა „მათემატიკის“ სადოქტორო საგანმანათლებლო პროგრამის შესახებ ამ გადაწყვეტილების განუყოფელ ნაწილად (დანართი №2).
3. ცნობილ იქნას საბჭოს 2024 წლის 16 იანვრის №33347 ოქმის №3 ნაწილი ამ გადაწყვეტილების განუყოფელ ნაწილად (დანართი №3).
4. დაწესებულებას საბჭომ შესასრულებლად განუსაზღვრა შემდეგი რეკომენდაციები და რჩევები:

რეკომენდაციები:

1. სავალდებულო კურსების მკაცრად დაწესება არ არის შესაფერისი დოქტორანტებისთვის მათი ინდივიდუალური სადისერტაციო თემებით და ეწინააღმდეგება აკადემიურ თავისუფლებას. ამიტომ, რეკომენდებულია სავალდებულო კურსები შეიცვალოს არჩევითი კურსებით, რაც საშუალებას მისცემს თითოეულ დოქტორანტს მოიყვანოს თავისი სასწავლო გეგმა კონკრეტულ კვლევით პროექტთან შესაბამისობაში.

ხელმძღვანელებს შეუძლიათ უზრუნველყონ გზამკვლევა ამ არჩევითი საგნების შერჩევისას.

- რეკომენდებულია, დეპარტამენტმა უზრუნველყოს სტუდენტებსა და დაკავშირებული სფეროების მკვლევარებს/მეცნიერებს შორის აკადემიური გაცვლის დამატებითი შესაძლებლობები. ამის მიღწევა შესაძლებელია, მაგალითად, უწყვეტი მოწვევების პროგრამის მეშვეობით, რომელიც მოიცავს მოწვეული სპეციალისტების რეგულარულ ლექციებს, სპეციალური ონლაინ სემინარების დაარსებით, საქართველოში ან სხვა ქვეყნებში არსებული ონლაინ სემინარების გაზრდილი გამოყენების გზით.
- იმისათვის, რომ სტუდენტები ფლობდნენ კვლევის ჩასატარებლად აუცილებელ ფუნდამენტურ ცოდნას, რეკომენდებულია უნივერსიტეტმა გადააფასოს სასწავლო კომპონენტის კურსებისთვის დადგენილი მინიმალური კომპეტენციის ზღვრული მაჩვენებელი.
- რეკომენდებულია, მკაფიო და ცხადი გახდეს კვლევის კომპონენტის შეფასების სისტემა და ხაზი გაესვას ერთჯერად შეფასებასა და პერიოდულ განმავითარებელ შეფასებას დოქტორანტის სადისერტაციო ნაშრომზე მუშაობის პროცესში.
- ორივე საგამოცდო კომპონენტის (დისერტაცია და ზეპირი დაცვა) შეწონვა საერთო შეფასების განსაზღვრისას არ უნდა იყოს დამოკიდებული კონკრეტულ დისერტაციაზე და უნდა იყოს ერთნაირად რეგულირებული და გამჭვირვალე როგორც გამომცდელების, ისე სტუდენტებისათვის. ამის მისაღწევად, რეკომენდებულია, რომ ფაკულტეტის დოქტორანტურის დებულებამ დაადგინოს ორივე საგამოცდო კომპონენტის (დისერტაცია და ზეპირი დაცვა) თანმიმდევრული შეწონილობა საბოლოო შეფასების გამოთვლისას.
- რეკომენდებულია, დაზუსტდეს პროცესი, რომლითაც სადისერტაციო კომიტეტი განსაზღვრავს საბოლოო სიტყვიერ შეფასებას.
- რეკომენდებულია, ხელმძღვანელებმა პერსონალური დახმარება უნდა გაუწიონ სტუდენტებს ინდივიდუალური სალექციო გეგმების შემუშავებაში მათი სადოქტორო პროექტების დაწყებისას.
- რეკომენდებულია, უნივერსიტეტის/ფაკულტეტის ბიბლიოთეკა უზრუნველყოფილი იყოს პროგრამით განსაზღვრული საგნების სილაბუსში მითითებული ყველა ძირითადი ლიტერატურით, ბეჭდური ან ელექტრონული ფორმით.
- რეკომენდებულია სტუდენტებს მიეცეთ თავიანთი ხელმძღვანელების ანონიმურად შეფასების შესაძლებლობა. იმ შემთხვევაში, თუ ანონიმური შეფასება შეუძლებელია (მაგ. თუ ხელმძღვანელის და სტუდენტების რაოდენობა ძალიან მცირეა), ფაკულტეტმა უნდა მისცეს შეფასებების ერთობლივი წესით განხორციელების შესაძლებლობა.

რჩევები:


- სასურველია, რიცხვითი მათემატიკის, გაფართოებული სტატისტიკის, სტოქასტიკისა და/ან ფინანსური მათემატიკის ლექციების კურიკულუმში ჩართვა, რათა გაიზარდოს კურსდამთავრებულთა კარიერული შესაძლებლობები.
- მიზანშეწონილია საერთაშორისო თანამშრომლობის გაძლიერება.
- მიზანშეწონილია ფაკულტეტმა გააფართოვოს ძირითადი მათემატიკური სახელმძღვანელოების და კვლევითი მასალების კოლექცია (მაგ., ლექციის ჩანაწერები), რომელიც გასცდება ძირითადი კურსის ლიტერატურას, რათა მხარი დაუჭიროს და ხელი შეუწყოს დამოუკიდებელ კვლევით აქტივობებს.
- სასურველია, მონაცემთა ბაზების ხელმისაწვდომობა, როგორცაა Web of Science, მოწმდებოდეს და უნდა ხდებოდეს პოტენციური გათიშვების მონიტორინგი.
- სასურველია, დეპარტამენტმა გამოავლინოს ახალი დამსაქმებლები საგანმანათლებლო სექტორის გარეთ, რათა გაიზარდოს და გაამრავალფეროვნოს დასაქმების შესაძლებლობები.

5.საბჭოს აღნიშნული გადაწყვეტილება ძალაში შევიდეს 2023 წლის 26 დეკემბერს.

6. მონიტორინგის განხორციელების ვადად ვადად განისაზღვროს 2025 წლის 26 დეკემბერი.

7.საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24¹ მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ.თბილისი, მ. ალექსიძის მე-2 შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი N64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) ცენტრის ვებ-გვერდზე (www.eqe.ge) გამოქვეყნების დღიდან, ერთი თვის ვადაში.

უმაღლესი საგანმანათლებლო პროგრამების
აკრედიტაციის საბჭო
საბჭოს მდივანი
რატიანი რატი



რ.ოაქიანი

საგანმანათლებლო პროგრამების აკრედიტაციის
საბჭო
საბჭოს თავმჯდომარე
ბუჩაშვილი გოდერძი



№	ინფორმაცია საგანმანათლებლო პროგრამის შესახებ	
1	საგანმანათლებლო პროგრამის დასახელება	მათემატიკა / Mathematics
2	ერთობლივი უმაღლესი საგანმანათლებლო პროგრამა	-
3	სტატუსი	ახალი
4	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	-
5	ხელახალი აკრედიტაციის შემთხვევაში საგანმანათლებლო პროგრამის წინა დასახელება	-
6	უმაღლესი განათლების საფეხური	დოქტორანტურა
7	დაშვების წინაპირობები	-
8	კვალიფიკაციის დონე	მე-8
9	კვალიფიკაციის დასახელება	მათემატიკის დოქტორი PhD of Mathematics
10	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით	-
11	დეტალური სფეროს დასახელება და კოდი (ISCED – F – 2013)	მათემატიკა, 0541
12	სწავლების ენა	ქართული
13	ECTS კრედიტების ჯამური რაოდენობა	45
14	განხორციელების ადგილი	თამარ მეფის ქუჩა №59, ქუთაისი, სასწავლო კორპუსი №4, 4600, საქართველო
15	მსჯავრდებულ აბიტურიენტთა საგანმანათლებლო პროგრამაზე სწავლა-სწავლების უფლებამოსილება	-
16	გადაწყვეტილების ძალაში შესვლის თარიღი	26/12/2023
17	აკრედიტაციის საბჭოს მიერ გაცემული რეკომენდაციების შესრულების თაობაზე	26/12/2024

	ანგარიშის წარმოსადგენად/მონიტორინგის განსახორციელებლად განსაზღვრული ვადა	
18	აკრედიტაციის ვადის გასვლის თარიღი	01/07/2027